

BILBIJA: TITULA DOLAZI U BANJA LUKU

26/11/2009 22:37 by Administrator

U nedjelju u Banja Luci derbi 15. kola Premijer lige igraju domaći Borac i Sarajevo, a Banjalučani bi eventualnom pobjedom mogli i do jesenjeg naslova. Kontaktirali smo jednog od najboljih igrača Borca, Nemanju Bilbija, koji nam je rekao da je uvjeren da će njegov tim slaviti te da će titula doći u Banja Luku. "Bliži se i taj susret. Nekako smo svi nestrpljivi i željno očekujemo nedjelju i početak utakmice. Atmosfera u ekipi je sjajna i niko od nas fudbalera ne razmišlja o porazu", rekao je mladi Nemanja Bilbija za SportSport.ba te dodao: "Ne znam zašto, ali sam nekako siguran da ne možemo izgubiti u nedjelju. Jednostavno se osjeti u zraku neka pozitivna atmosfera i to me posebno raduje.

Očekujem najmanje 10.000 navijača na tribinama i njihovu veliku podršku koja će nas nositi do pobjede. Cijenim ekipu Sarajeva, ali mislim da u Banja Luci nemaju šta tražiti".

U slučaju pobjede Borca nad Sarajevom te poraza ili remija i irokog u Mostaru, Banjalučani bi otvorili pobjednički šampanjac.

"Ne želim da mislim na susret u Mostaru, ali nekako vjerujem da Zrinjski neće izgubiti te da ćemo mi na kraju biti ti koji ćemo prvi proći ciljom. Na kraju bi želio pozvati naše navijače da dođu u što većem broju na utakmicu i da na kraju, iskreno se nadam, zajedno proslavimo titulu jesenjeg prvaka", zaključio je mladi Bilbija.

Piše: A. Beganović

Izvor vijesti: sportsport.ba